




全唐詩話

六止

土岐文庫
文庫17
W 80
6



文庫 17
W 80
6

天保四年
田大亮村
晉四橋林助
藏本

昭和六十年二月一日贈
土岐羊吉唐氏寄

010185189169



全唐詩話卷之六

韓定辭

定辭為鎮州王鎔書記。聘燕帥劉仁恭舍於賓館。命幕客馬或延接。馬有詩贈韓云。燧林芳草綿綿思。盡日相攜陟麗譙。別後巔愁山上望。羨君時復見王喬。或詩清秀。然意在試其學問。韓於座酬之曰。崇霞臺上神仙客。學辨癡龍藝最多。盛德好將銀筆述。麗詞堪與雪兒歌。座賓靡不欽訝。然亦疑銀筆之僻也。他

全唐詩話卷六

日或持燕帥之命答聘常山。亦命定辭接於宮館。或從容問韓以雪兒銀筆之事。韓曰。昔梁元帝為湘東王時。好學著書。常紀忠臣義士及文章之美者。筆有三品。或以金銀雕飾。或以斑竹為管。忠孝全者用金管書之。德行清粹者用銀筆書之。文章瞻麗者以斑竹書之。故湘東之譽振於江表。雪兒者李密之愛姬。能歌舞。每見賓僚文章有奇麗入意者。即付雪兒叶音律以歌之。又問癡龍出自何處。定辭曰。洛下有洞

穴。曾有人誤墮於穴中。因行數里。漸見明曠。見有宮殿人物。凡九處。又見有大羊。羊髯有珠。人取而食之。不知何所。後出以問張華。華曰。此地仙九館也。大羊者名曰癡龍耳。定辭復問。或巖嵒山當在何處。或曰。此隨郡之故事。何謙光而下問。由是兩相悅服。結交而去。

同谷子

昭宗播岐。何后用事。有同谷子者。詠五子之歌。何后

潛令秦王誅之事未行而奔去。詩曰：邦惟固本自安，寧臨下長須馭朽驚。何事十旬遊不返，禍胎從此召殷兵。酒色聲禽號四荒，那堪峻宇又雕牆。靜思今古為君者，未或因茲不滅亡。惟彼陶唐有冀方，少年都不解思量。如今筭得當年事，首為盤遊亂紀綱。明明我祖萬邦君，典則貽將示子孫。惆悵太康荒墜後，覆宗絕祀滅其門。仇讐萬姓遂無依，顏厚何曾解忸怩。五子既歌邦已失，一場前事悔難追。

沉彬

彬字子文，高安人也。天性狂逸，好神仙之事。少孤，西遊以三舉為約。常夢著錦衣，貼月而飛。識者言：雖有虛名，不入月矣。洪州解至長安，初舉，納省卷。夢仙謠云：玉殿大開從客入，金桃爛熟沒人偷。鳳驚寶扇頻翻翅，龍悟金鞭忽轉頭。第二舉，憶仙謠云：白榆風颯九天秋，王母朝迴宴玉樓。日月漸長雙鳳睡，桑田欲變六鰲愁。雲翻簫管相隨去，星觸旌幢各自流。詩酒

近來狂不得。騎龍却憶上清遊。第三舉。納省卷。贈劉象為首云。曾應大中天子舉。四朝風月鬢蕭疎。不隨世祖重攜劍。却為文皇再讀書。十載戰塵銷舊業。滿城春雨壞貧居。一枝何事於君惜。仙桂年年幸有餘。時劉象孤寒。三十舉無成。主司覽彬詩。其年特放象及第。彬乾符中。值駕遷三峰。四方多事。南遊嶺表。二十餘年。回吳中。江南偽命吏部郎中。致仕。彬詩有九衢冠蓋暗爭路。四海干戈多異心之句。

周朴

朴唐末詩人。寓於閩中僧寺。假丈室以居。不飲酒茹葷。塊然獨處。諸僧晨粥卯食。朴亦攜巾盂。廁諸僧下。畢飯而退。率以為常。郡中豪貴設供。率施僧錢。朴即巡行拱手。各丐一錢。有以二數錢與者。朴止受其一耳。得千錢。以備茶藥之費。將盡復然。僧徒亦未嘗厭也。性喜吟詩。尤尚苦澁。每遇景物。搜奇抉思。日旰忘返。苟得一聯一句。則忻然自快。嘗野逢一負薪者。忽

持之。且厲聲曰：「我得之矣。」樵夫矍然驚駭，制臂棄薪而走。遇巡徼卒，疑樵者為偷兒，執而訊之。朴徐往告。卒曰：「適見負薪，因得句耳。」卒乃釋之。其句云：「子孫何處閑？為客松栢被人伐。作薪彼有一士人，以朴僻於詩句，欲戲之。」一日跨驢於路，遇朴。在傍十人，乃歆帽掩頭吟朴詩云：「禹力不到處，河聲流向東。」朴聞之，忽遽隨其後且行。士但促驢而去，略不回首。行數里，追及朴，告之曰：「僕詩河聲流向西，何得言流向東？」士人

領之而已。閩中傳以為笑。或曰：「曉來山鳥鬧，雨過杏花稀。」亦朴詩也。古陵寒雨絕，高鳥夕陽明。句高情千里外，長嘯一聲初。句黃巢至福州，求得朴，問曰：「能從我乎？」答曰：「我尚不仕天子，安能從賊？巢怒殺之。」

孫魴

潤州金山寺張祐孫魴留詩為第一篇。山居大江中，迥然孤秀。詩意難盡，羅隱云：「老僧齋罷關門睡，不管」

波濤四百生。孫生句云。結宇孤峰上。安禪巨浪間。又曰。萬古波心寺。金山名日新。天多剝得月。地少不生塵。過櫓妨僧定。驚濤濺佛身。誰言張處士。題後更無人。鮐夜坐句云。劃多灰漸冷。坐久席成痕。沉彬曰。此田舍翁火爐頭之作爾。鮐南昌人。唐末。鄭谷避亂歸宜春。鮐往依之。頗為誇掖。後有能詩聲。終於南唐。鮐父畫工也。王微為中書舍人。草鮐誥詞云。李陵橋上不吟。取次之詩。顧凱筆頭豈畫尋常之物。鮐終身恨

之。

王易簡

易簡唐末進士。梁乾化中及第。名居榜尾。不看榜。却歸華山。尋就山釋褐。授華州幕職。後召入拜左拾遺。及辭官歸隱。留詩一絕。曰。汨沒朝班愧不才。誰能低折向塵埃。青山得去且歸去。官職有來還自來。及再召為郎。遷諫垣臺閣。三十年歸華山。十年而終。

范攄之子

吳人范攄處士之子七歲能詩。贈隱者云。掃葉隨風便。澆花趁日陰。方干曰。此子他年必成名。又吟夏日云。閒雲生不雨。病葉落非秋。干曰。惜哉。必不享壽。果十歲卒。

鄭雲叟

鄭徵君為詩。皆祛淫靡。迥絕囂塵。如富貴曲云。美人梳洗時。滿頭間珠翠。豈知兩片雲。戴却數鄉稅。有詠西施云。素面已云妖。更着花鈿飾。臉橫一寸波。浸破

吳王國。又七言傷時云。帆力劈開滄海浪。馬蹄踏破亂山青。浮名浮利過於酒。醉得人心死不醒。又題霍山秦尊師云。老鶴玄猿伴採芝。有時長嘯獨移時。翠蛾紅粉嬋娟劍。殺盡世人不知。又偶題似鶴如雲一箇身。不憂家國不憂貧。擬將枕上日高睡。賣與世間當貴人。又思山詠。因賣丹砂下白雲。鹿裘怕惹九衢塵。不如將爾入山去。萬是千非愁殺人。又景福中作云。悶見戈鋌匝四溟。恨無奇策救生靈。如何飲酒

得長醉。直到太平時。節醒人招友。遊春云難把。長繩繫日烏。芳時偷取醉工夫。任堆金。辟磨星斗。買得花枝不老無。又山居云。閒見有人尋。移庵更入深。落花流澗水。明月照松林。醉勸頭陀酒。閒教孺子吟。身同雲外鶴。斷得世塵侵。又詩云。冥心棲木室。散髮浸流泉。採拍時逢麝。看雲忽見山。夏狂衝雨戲。春醉戴花眠。絕頂登雲望。東都一點煙。又詩不求朝野知。卧見歲華移。採藥歸侵夜。聽松飯過時。荷竿尋水釣。背局

上嵩基。祭廟人來說。中原正亂離。

僧子蘭

太平里尋兵部裴郎中云。不語淒涼無限情。荒階行盡又重行。昔年住此人何在。空見槐花秋草生。

僧靈澈

生於會稽。本湯氏字澄源。與吳興詩僧皎然遊。然薦之。包吉李紆。以是上人之名。由二公而颺。正元中。遊京師。緇流嫉之。造飛語。激動中貴人。侵誣得罪。徙汀

州後歸會稽。元和十一年，終於宣州。劉夢得曰：詩僧多出江右，靈一導其源，護國襲之，清江揚其波。法振沿之，如么絃孤韻，警入人耳。非大音之樂，獨吳興畫公能備衆體。澈公承之，至如芙蓉園新寺詩曰：經來白馬寺，僧到赤烏年。謫汀州云：青蠅為弔客，黃犬寄家書。可會入作者閫域，豈獨雄於詩僧間耶。

九日和于使君思上京親故云：清晨有高會，賓從出東方。楚俗風煙古，汀州草木涼。山情來遠思，菊意在

重陽。心憶華池上，從容鷺鷥行。

僧靈一

新泉詩云：泉源新湧出，洞澈映纖雲。稍落芙蓉沼，初淹苔蘚文。了將空色淨，素與衆流分。若對清宵月，冷然夢裏聞。

劉長卿和云：東林一泉水，復與遠公期。石淺寒流處，山空夜落時。夢闌聞細響，慮澹向清漪。動靜皆無意，唯應道者知。

高仲武云。自齊梁以來。道人為文者多矣。少有入其流。一公乃能尅意精妙。與士大夫更唱迓和。不其偉與。泉湧塔前地。雲生戶外峰。則遺猷寶月。曾何及此。靈一大曆正元間僧也。

酬皇甫冉西陵見寄云。西陵潮信滿。島嶼沒中流。越客依風水。相思南渡頭。寒光生極浦。落日映滄洲。何事揚帆去。空驚海上鷗。

溪行卽事云。近液山更碧。入林溪轉清。不知伏牛地。

潭洞何縱橫。曲岸煙初合。平湖月未生。孤舟屢失道。但聽秋泉聲。

重還宜豐寺云。載過招隱寺。重會息心期。樵客問歸日。山僧記別時。野雲陰遠甸。秋水漲前陂。勿謂頻來

此。吾今不好奇。

皇甫冉以下三章姚合取為極玄集

酬皇甫冉將赴無錫雲門寄別云。湖南通古寺。來往意無涯。欲識雲門路。千峰向若耶。春山子建宅。古木謝敷家。自是長俱隱。那云相去賒。

宿天柱觀詩云。石室初投宿。仙翁幸見容。花源隨水遠。洞府過山逢。泉湧階前地。雲生戶外峰。中宵自入定。非是欲降龍。

僧清江

病起云。身世足堪悲。空房卧病時。捲簾槐雨滴。掃室竹陰移。已覺生如夢。那堪壽不知。未能通法性。詎可見支離。

僧廣宣

王起於會昌中放第二榜。宣以詩寄賀曰。從辭鳳閣掌絲綸。便向青雲領貢賓。再闢文場無枉路。兩開金榜絕冤人。眼看龍化門前水。手放鶯飛谷口春。明日定歸台席去。鵲鴿原上共陶鈞。起和云。延英面奉入春闈。亦選工夫亦選奇。在治只求金不耗。用心空學秤無私。龍門變化人皆望。鶯谷飛鳴自有時。獨喜向公誰是證。彌天上士與新詩。時劉夢得元微之皆和之。宣與夢得最善。

退之有廣宣上人頻見過詩云。三百六旬常擾擾。不
衝風雨卽塵埃。久慙朝士無裨補。空愧高僧數往來。
學道窮年何所得。吟詩竟日未能迴。天寒古寺遊人
少。紅葉窓前有幾堆。

僧法振

趙使君生子晬日詩云。毛骨貴天生。肌膚玉雪明。見
入空解笑。弄物不知名。國器嗟猶小。風姿望亦清。抱
來芳樹下。時聽鳳凰聲。

僧皎然

僧皎然一日嘗於舟中抒思作古體十數篇。求合韋
蘇州。韋大不喜。明日獻其舊製。乃極稱賞云。何不但
以所工見投。而猥希老夫之意。人各有所得。非卒能
致書大服其鑒裁之精。

同裴錄事樓上望云。退食高樓上。湖山向晚晴。桐花
落萬井。月影出重城。水竹涼風起。簾帷暑氣清。蕭蕭
獨無事。因見蒞人情。

全唐詩話卷六
皎然詩式著偷語詩例云。如陳后主詩。日月光天德。
取傳長虞。日月光太清。上三字語同。下二字義同。偷
意詩例云。如沈佺期詩。小池殘暑退。高樹早涼歸。取
柳渾太液滄波起。長楊高樹秋。偷勢詩例云。如王昌
齡詩。手攜雙鯉魚。目送千里雁。悟彼飛有適。嗟此罹
憂患。取稽康目送歸鴻。手揮五絃。俯仰自得。遊心太
玄。詩式云。詩有跌宕格二品。一曰越俗。其道如黃鶴
臨風。貌逸神王。杳不可羈。郭景純遊仙詩。左把浮丘

袖右拍洪崖肩。鮑明遠詩。舉頭四顧望。但見松柏繁。
荆棘鬱叢叢。中有一鳥名杜鵑。言是古時蜀帝魂。聲
音哀苦鳴不息。羽毛憔悴似人髣。飛走樹間啄蟲蠹。
豈知往日天子尊。念茲變化非常理。中間惻隱不能
言。二曰駭俗。其道如楚有接輿。魯有原壤。外示驚俗
之貌。內藏達人之度。郭景純遊仙詩。嫦娥揚妙音。洪
崖頷其頤。王梵志道情詩。我昔未生時。冥冥無所知。
天公長生我。生我復何為。無衣使我寒。無食使我飢。

還你天公我還我未生時。賀知章放達詩云。落花真
好些。一醉一回顛。盧照鄰漫作云。城狐尾獨速。山鬼
面參軍。渥沒格一品曰。澹俗。此道如夏姬當爐。似蕩
而負采。吳楚之風雖俗而正。古歌曰。華陰山頭百尺
井。下有流泉徹骨冷。可憐女子來照影。不照其餘照
斜領。調笑格一品曰。戲俗。漢書云。匡鼎來解人頤。蓋
說詩也。此一品非雅作。足以為談笑之資矣。李白狂
詠。女媧弄黃土。搏作愚下人。散在六合間。濛濛若埃

塵。

賦得猿啼送客三峽云。萬里巴江外。三聲月峽深。何
年有此路。幾客共霑襟。斷臂分重影。流泉入苦吟。淒
淒離別後。聞此更傷心。

僧文秀

端午詩云。節分端午自誰言。萬古傳名為屈原。堪笑
楚江空浩浩。不能洗得直臣冤。

秀唐末詩僧也。鄭谷喜秀上人相訪詩。他夜松堂宿。

論詩更入微之句。又次韻秀上人長安寺居言懷云。
舊齋松老別多年。香社人稀喪亂間。出寺只如趨內
殿。閉門長似在深山。又重訪秀上人云。展畫長懷吳
寺殿。宜茶偏賞雪溪泉。又寄題詩僧秀公云。靈一心
傳清塞心。可公吟後楚公吟。近來誰道相親少。唯仰
吾師所得深。好句未停無暇日。舊山歸老有東林。吟
曹孤宦甘寥落。多謝攜筇數訪尋。秀南僧也。而居長
安。以文章應制。故谷送遊五臺詩云。內殿評詩切身

迴心未迴。

僧棲白

中秋夜月云。尋常三五夕。不是不嬋娟。及到中秋滿。
還勝別夜圓。清光凝有露。皓色爽無煙。自古人皆翫。
年來更一年。

哭劉得仁云。為愛詩名吟到此。風魂雪魄去難招。直
教桂子落墳上。生得一枝冤始銷。
冬日寄僧友云。斂屨入寒竹。安禪過漏聲。高杉殘葉

落深井凍痕生。罷磬松枝動。懸燈雪屋明。何當招我友。乘月上方行。

秋夜宿西林寄賈島云。暗蟲喧暮色。默思坐西林。聽雨寒更盡。開門落葉深。昔因京邑病。併起洞庭心。亦是吾兄事。遲迴直至今。

秋日寄厲元云。揚柳起秋色。故人猶未還。別離何自苦。少壯豈能閑。連雨吟殘燭。秋城憶遠山。何當同一見。語默此林間。

廬山寺云。千峰盤磴盡。林寺昔年名。步步入山影。房房聞水聲。多年人跡絕。殘月石陰清。更可求居止。安閒過此生。

金州別姚合云。日日西亭上。春留到夏殘。言之離別易。允矣道途難。山出一千里。溪行三百灘。松間樓月裏。秋入五陵寒。

姚合送無可往越州云。清晨相訪門前立。麻屨方袍一少年。懶讀經文求作佛。願攻詩句覓成仙。芳春山

影花連寺。觸夜潮聲。月滿船。今日送行。偏惜別。共師
文字有因緣。

僧懷濟

姊歸郡僧懷濟不知何所人。乾寧初。知來識往。皆有
神驗。刺史于公以其惑衆。繫而詰之。乃以詩代通狀
云。家在閩山西。復西。其中歲歲有鶯啼。如今不在鶯
啼處。鶯在舊時啼處啼。又詰之。復有詩云。家在閩山
東。復東。其中歲歲有花紅。而今不在花紅處。花在舊

時紅處紅。守異而釋之。詳其詩意。似在海中。得非杯
渡之流乎。出北夢瑣言

僧可朋

可朋丹稜人。少與盧延讓為風雅之交。有詩千餘篇。
號玉壘集。曾題洞庭詩曰。水涵天影濶。山拔地形高。
贈友人曰。來多不似客。坐久却垂簾。歐陽炯以此比
孟郊賈島。言其好飲酒。貧無以償酒債。故時賙之。可
朋自號醉髡。贈方干詩云。月裏豈無攀桂分。湖中空

全唐詩話卷六
賞釣魚休。杜甫舊居云。傷心盡日有啼鳥。獨步殘春
空落花。寄齊已云。雖陪北楚三千客。多話東林十八
賢。劉公詩話云。有詩僧讀洪州滕王閣詩。謂守者詩
總不佳。何不除却。守曰。僧能佳乎。卽吟曰。洪州太白
方。積翠滿空蒼。萬古渡新月。半江無夕陽。守異之。然
南方浮屠能詩者多矣。予嘗見可朋詩云。虹收千嶂
雨。潮落半江天。又云。詩因試客分題僻。碁為饒人下
着低。不減古人。

僧雲表

寒食詩云。寒食時看郭外春。野人無處不傷神。平原
絮絮添新塚。半是去年來哭人。

僧貫休

姓姜氏。字德隱。婺州蘭溪人。錢鏐自稱吳越國王。休
以詩投之。曰。貴逼身來不自由。幾年勤苦踏林丘。滿
堂花醉三千客。一劍霜寒十四州。萊子衣裳宮錦窄。
謝公篇詠綺霞羞。他年名上凌烟閣。豈羨當時萬戶

侯。繆論改為四十州乃可相見。曰州亦難添。詩亦難改。然閒雲孤鶴。何天而不可飛。遂入蜀。以詩投王建。曰河北河南處處災。惟聞全蜀少塵埃。一瓶一鉢岳岳老。千水千山得得來。秦苑幽棲多勝景。巴畝陳貢愧非才。自慙林藪龍鍾者。亦得親登郭隗臺。建遇之甚厚。建二年春。令誦近詩。時貴戚皆坐。休欲諷之。乃稱公子行云。錦衣鮮華手擎鵬。間行氣貌多輕忽。稼穡艱難總不知。五帝三皇是何物。建稱善。貴倖皆怨。

之。休與齊已齊名。有西岳集十卷。吳融為之序。卒死于蜀。

赤旃檀塔六七級。白菡萏花三四枝。禪客相逢只彈指。此心能有幾人知。石霜問云。如何是此心。休不能答。石霜云。汝問我答。休即問之。霜云。能有幾人知。春山行云。重疊太古色。濛濛花雨時。好山行恐盡。流水語相隨。黑壤生紅木。黃猿領白兒。因思石橋月。曾與道人期。

晚泊湘江懷古云。煙浪漾秋色。高吟似得鄰。一林湘渚月。千古獨醒人。岸濕穿花遠。風香禱廟頻。只應諛佞者。到此不傷神。

天台老僧云。獨住無人處。松龕嶽雪侵。僧中九十臘。雪外一生心。白髮垂不剃。青眸笑更深。猶能指孤月。為我暫開襟。

寒息廬山賈生云。山深詩癖甚。寒夜更何為。覓句如頑坐。嚴霜打不知。石膏黏木履。崖栗落冰池。近見禪

僧說。生涯勝往時。

題嶧桐律師禪院云。律中鱗角者。高隻出塵埃。芳草不曾觸。幾生如此來。壑風吹磬斷。杉露滴花開。如結林中社。伊余願一陪。

言詩云。經天緯地物。動必是仙才。竟日覓不得。有時還自來。真風含素髮。秋色入靈臺。吟向霜蟾下。終須神鬼哀。

休糧僧云。不食更何求。自由中自由。身輕嫌衲重。天

早為良愁。供器誰將去。生臺蟻不遊。會須傳此術。歸去老林丘。

詎是言休。即便休。清吟孤坐碧溪頭。三間第屋無人到。十里松門獨自遊。明月清風宗炳社。夕陽秋色庾公樓。修心未到無心地。萬種千般逐水流。

心心不住希夷。石室巉嵒白髮垂。惜竹不除當路笋。愛松留得礙人枝。焚香開卷雲生砌。捲箔冥心月在池。無限故人頭盡白。不知頭白更何之。

自古浮華能幾何。逝波今日去滔滔。漢王廢苑生秋草。吳主荒宮入夜濤。滿屋黃金機不息。一頭白髮氣猶高。豈知物外金仙子。甘露天香滴毳袍。

古意云。乾坤有清氣。散入詩人脾。聖賢遺清風。不在惡木枝。千人萬人中。一人兩人知。意在東溪日。花開葉落時。幾擬以黃金鑄作鍾子期。

僧齊已

戊辰歲。湖中寄鄭谷郎中云。白髮久慵簪。常聞病亦

白蓮集云齊己性喜吟跡不入王侯門惟醉心鄭都官投詩謁之高名喧省宦雅頌出吾唐墨壘供秋望无雲到夕陽自封修藥院別下著僧林幾處中朝事久離鶴鷺行谷覽之云請改一字方可相見經數日再謁稱已改得云別掃著僧林谷嘉賞結為詩友

吟瘦應成鶴骨。閒想似禪心。上國揚花亂。滄洲荻箬深。不堪思翠華。西望獨沾襟。

山寺喜道士至云。閏年春過後。山寺始花開。還有無心者。閒尋此境來。鳥幽聲忽斷。茶好味重迴。知在南崑久。冥心坐綠苔。

登祝融峰云。猿鳥共不到。我來身欲浮。四邊空碧落。絕頂正清秋。宇宙知何極。華夷見細流。壇西獨立久。斜日轉神州。

宿簡寂觀云。萬壑雲霞影。千峰松桂聲。如何教下士。容易信長生。月共虛無白。香和沆瀣清。閒尋古廊畫。記得列仙名。

僧西蟾

短歌行云。蟾光堪自笑。浮世懶思量。身得幾時活。眼開終日忙。千金無壽藥。一鏡有愁霜。早向塵埃外。光陰任短長。

僧清塞

贈王道士云。藥力資蒼鬢。應非舊日身。一為嵩岳客。幾莖洛陽人。冰縫瓢探水。雲根斧劖薪。關西往來熟。誰得水銀銀。

贈幻群法師云。北京從別後。南越幾聽砧。住久白髭出。講長黃葉深。香連鄰舍像。磬徹遠巢禽。寂寞應關道。何人見此心。

送耿逸人南歸云。南行隨越僧。舊葉一池菱。兩鬢已如雪。五湖歸掛簪。夜濤鳴柵鎖。寒葦露船燈。此去應

無事。却來期未能。

早秋過郭勁書齋云。暑消齒舍清。閒坐有餘情。石水生茶味。松風減扇聲。遠雲收海雨。靜角掩山城。此地清吟苦。時來遶菊行。

送康沼歸建業云。南朝秋色滿。歸去思如何。帝業空城在。民耕壞塚多。月明臺獨上。栗綻寺頻過。籬下西江濶。相思見白波。

贈百崑禪師云。野寺絕依念。空山曾徧行。老來披衲

重病起讀經生。乞食嫌村遠。尋溪愛路平。多年百品主。不記百品名。

贈胡僧云。瘦形無血色。草履着從穿。閒語以持咒。不眠同坐禪。背經來漢地。袒膊過冬天。情性人難會。遊方應信緣。

贈絕粒僧云。一齋難過日。況復更休糧。養力時行道。聞鐘不上堂。唯留煨藥火。不寫化金方。舊有山厨在。從僧請作房。

晚秋江館云。病寄泗州居。帶城傍門高。柳一蟬鳴澄。江月上見魚。擲荒徑葉乾。聞犬行。越嶠夜無侵。閣色寺鐘涼。有隔原聲。故園賣盡休歸去。湖水秋來空自平。

贈李道士云。布褐高眠石竇春。迸泉多濺黑紗巾。昂頭說易當閒客。落手圍碁對俗人。自筭天年窮甲子。誰同雨夜守庚申。擬歸太華何時去。他日相逢乞藥銀。

秋日同朱慶餘懷少室舊隱云。曾居少室黃河畔。秋
夢長懸未得迴。扶病十年離水石。思歸一夜隔風雷。
荒齋幾度僧眠起。晚菊頻經塵路來。燈下此心誰共
說。傍松幽徑已多苔。

師東洛人。姓周氏。少從浮圖法。遇姚合而返。乃易名
賀。初與賈長江無可齊名。賀哭百嵒師云。林逋西風
急。松枝構抄餘。凍鬚亡夜剃。遺偈疾時書。地燥焚身
後。堂空卧影初。此時頻下淚。曾省到吾廬。時島亦有

詩云。苔覆石牀新。師曾過幾春。寫留行道影。焚却坐
禪身。塔院關松雪。經房鎖隙塵。自嫌雙淚下。不是解
空人。時謂相侔云。兩鬢已垂雪。五湖歸釣魚。送人夜
濤鳴柵鎖。寒葦露船燈。句石水生茶味。松風減扇聲。
句磬徹遠巢禽。句伊流背行客。岳響答清猿。句
唐有周賀。討郎清塞也。秋宿洞庭云。洞初秋葉下。旅
客不勝愁。明月天涯夜。青山江上秋。一官成白首。萬
里寄滄洲。只被浮名繫。寧無愧海鷗。

巴陵秋思云。楊柳已寒色。楚田方刈禾。歸心病起切。
敗葉夜來多。細雨城蟬噪。殘陽嶠客過。故鄉餘業在。
杳隔洞庭波。

岳陽樓云。平楚起寒色。杪秋猶未還。世情何處淡。湘
水向人閒。空翠隱高鳥。夕陽歸遠山。孤舟萬里外。惆

悵洞庭間。三詩作周賀

僧文益

看牡丹云。擁毳對芳叢。由來趣不同。髮從今日白。花

是去年紅。艷色隨朝露。馨香逐晚風。何須待零落。然
後始知空。蘇南和第三林

僧修睦

秋日間居云。是事不相關。誰人似此閒。捲簾當白晝。
移榻對青山。野鶴眠松上。秋苔長雨間。嶽僧頻有信。
昨日得書還。

睡起作云。長空秋雨歇。睡起覺清神。看水看山坐。無
名無利身。偈吟諸祖意。茶碾去年春。此外誰相識。孤

雲到砌頻。

題東林云。欲去不忍去。徘徊吟遠廊。水光秋澹蕩。僧好語尋常。碑古苔文疊。山晴松韻長。翻思南嶽上。欠此白蓮香。

僧景雲

畫松云。畫松一似真松樹。且待尋思記得無。曾在天台山上見。石橋南畔第三株。

僧可止

哭賈島云。燕生松雪地。蜀死葬山根。詩癖降今古。官卑誤子孫。塚攔寒月色。人哭苦吟魂。暮雨滴碑字。年年添蘚痕。

僧卿雲

長安言懷寄沈彬侍郎云。故園黎嶺下。歸路接天涯。生作長安草。勝為邊地花。鴈南飛不到。書北寄來賒。堪羨神仙客。青雲早到家。

舊國里云。舊居黎嶺下。風景近炎方。地暖生春早。家

貧覺歲長。石房雲過濕。松徑雨餘香。日久竟無事。詩書聊自疆。

僧處默

題聖果寺云。路自中峰上。盤迴出薜蘿。到江吳地盡。隔岸越山多。古木叢青靄。遙天浸白波。下方城郭近。鐘磬接笙歌。

螢云。熠熠與娟娟。池塘竹樹邊。亂飛如拽火。成聚却無煙。微雨灑不滅。輕風吹欲燃。昔時書案上。頻把作

囊懸

遠煙云。靄靄前山上。凝光滿薜蘿。高風吹不斷。遠樹得偏多。翠與晴雲合。輕將淑氣和。正堪流野目。休問意如何。

織婦云。蓬鬢蓬門積恨多。夜闌燈下不停梭。成縑猶自陪錢納。未直青樓一曲歌。

僧澹交

病後作云。未得身亡法。此身終未安。病腸猶可洗。膏

瘦不禁寒。藥少心神餌。經無氣力看。悠悠片雲質。獨坐夕陽殘。

寫真云。圖形期自見。自見却傷神。已是夢中夢。更逢身外身。水花凝幻質。墨彩聚空塵。堪笑余兼爾。俱為未了人。

僧若虛

古鏡云。軒后洪爐獨鑄成。蘚痕磨落月輪呈。萬般物像皆能鑒。一箇人心不可明。匣內乍開鸞鳳活。臺前

高掛鬼神驚。百年肝膽堪將比。只怕頻看素髮生。

僧曇域

贈島雲禪師云。遠菴枯葉滿。群鹿亦相隨。頂骨生新髮。庭松長舊枝。禪高太白月。行出祖師碑。亂後潛來此。南人總不知。

僧懷浦

初冬旅舍早懷云。枕上角聲微。離情未息機。夢回三楚寺。寒入五更衣。月沒棲禽動。霜晴凍葉飛。自慙于

役早深與道相違

僧慕幽

燈云鐘斷危樓鳥不飛。熒熒何處最相宜。香燃水寺僧開卷。筆寫春闈客著詩。忽爾思多穿壁處。偶然心盡斷纓時。孫康勤苦誰留念。少減餘光借與伊。

僧尚顏

寄陳陶處士云。鍾陵城外住。喻似玉沉泥。道直貧嫌殺。神清語亦低。雪深加酒債。春盡減詩題。記得曾遊

病山茶又更攜

開元宮人

開元中。賜邊軍纊衣。製於宮中。有兵士於短袍中得詩曰。沙場征戍客。寒苦若為眠。戰袍經手作。知落阿誰邊。蓄意多添線。含情更着綿。今生已過也。重結後生緣。兵士以詩白帥。帥進呈玄宗。以詩遍示宮中曰。作者勿隱。不汝罪也。有一宮人自言萬死上深憫之。遂以嫁得詩者。謂曰。吾與汝結今生緣。邊人感泣。

崔氏

盧校書年暮娶崔氏。結褵之後。為詩曰。不怨盧郎年
紀大。不怨盧郎官職卑。自恨妾身生較晚。不及盧郎
年少時。

劉氏

杜羔不第。將到家。其妻劉氏先寄詩云。良人的的有
奇才。何事年年被放回。如今妾面羞君面。君到來時
近夜來。羔即回。尋登第。又寄詩云。長安此去無多地。

鬱鬱蔥蔥佳氣浮。良人得意正年少。今夜醉眠何處

樓。或云趙氏

薛媛

濠梁南楚材。旅遊陳潁。受潁牧之眷。無返舊意。其妻
薛媛寫真寄之曰。欲下丹青筆。先拈寶鏡端。已驚顏
索寞。漸覺鬢凋殘。淚眼描將易。愁腸寫出難。恐君渾
忘却。時展畫圖看。夫婦遂偕老焉。時人嘲之曰。當時
婦棄夫。今日夫棄婦。若不逞丹青。空房應獨守。

雲溪友議

李季蘭

寄韓校書云。無事烏程縣。蹉跎歲月餘。不知芸閣吏。寂寞意何如。遠水浮仙棹。寒星伴使車。因過大雷岸。莫忘八分書。

季蘭五六歲。其父抱於庭。蘭作詩詠薔薇云。經時未架却。心緒亂縱橫。父恚曰。此必為失行婦也。後竟如其言。

高仲武云。士有百行。女有一德。季蘭則不然。形器既

雌。詩意亦蕩。自鮑暉以下。字有其倫。如遠水浮仙棹。寒星伴使車。此五言之嘉境也。上方班婕妤則不足。下比韓英則有餘。不以遲暮亦一俊異。劉長卿謂季蘭為女中詩豪。

如意中女子

如意中女子年九歲。能吟詩。則天試之。皆應聲而就。其兄辭去。則天令作詩送兄。遂賦云。別路雲初起。離亭葉正飛。所嗟人異鴈。不作一行歸。

魚玄機

玄機咸通中。西京咸宜觀女道士也。字幼微。善屬文。其詩有綺陌春望。遠瑤徽。秋興多。又殷勤不得語。紅淚一雙流。又焚香登玉壇。端簡禮金闕。又雲情自鬱。爭同夢。仙貌長芳。又勝花。後以笞殺女童。綠翹事下獄。獄中有詩云。易求無價寶。難得有情夫。又云。明月照幽隙。清風開短襟。

僖宗宮人

唐僖宗自內出袍十領。賜塞外吏士。神策軍馬真於袍中得金鎖一枚。詩一首云。玉燭製袍夜。金刀呵手裁。鎖寄十里客。鎖心終不開。真就市貨鎖。為人所告。主將得其詩。奏聞。僖宗令赴闕。以宮人妻真。後僖宗幸蜀。真晝夜不解衣。前後捍禦。

張建封妓

樂天有和燕子樓詩。其序云。徐州張尚書亦有愛妓。盼盼。善歌舞。雅多風態。為校書郎時。遊淮泗間。張尚

書宴予。酒酣出盼盼以佐歡。予因贈詩。落句云。醉嬌勝不得。風嫋牡丹花。一歡而去。爾後絕不復知。茲一紀矣。昨日司勳員外郎張仲素繪之訪余。因吟詩。有燕子樓詩三首。辭甚婉麗。詰其由。乃盼盼所作也。繪之從事武寧軍累年。頗知盼盼始末。云。張尚書既歿。彭城有張氏舊第。中有小樓名燕子。盼盼念舊愛而不嫁。居是樓十餘年。于今尚在。盼盼詩云。樓上殘燈伴曉霜。獨眠人起合歡牀。相思一夜情多少。地角天

涯不是長。又云。北印松栢鎖愁煙。燕子樓人思悄然。自埋釵履歌塵散。紅袖香銷一十年。又云。適看鴻鴈岳陽迴。又覩玄禽逼社來。瑤瑟玉簫無意緒。任從蛛網任從灰。余嘗愛其新作。乃和之云。滿窗明月滿簾霜。被冷燈殘拂卧牀。燕子樓中寒月夜。秋來祗為一人長。鈿帶羅衫色似煙。幾回欲起即潛然。自從不舞霓裳曲。疊在空箱十二年。又今春有客洛陽迴。曾到尚書墓上來。見說白楊堪作柱。爭教紅粉不成灰。又

贈之絕句。黃金不惜買蛾眉。揀得如花四五枝。歌舞
教成心力盡。一朝身去不相隨。後仲素以余詩示盼
盼。乃反覆讀之。泣曰。自公薨背。妾非不能死。恐百載
之後。以我公重色有從死之妾。是玷我公清範也。所
以偷生耳。乃和白公詩云。自守空樓歛恨眉。形同春
後牡丹枝。舍人不會人深意。訝道泉臺不去隨。盼盼
得詩後。怏怏旬日。不食而卒。但吟云。兒童不識沖天
物。謾把青泥汗雪毫。出長慶集。

女郎宋若照

若照具州人。父廷芬生五女。皆警慧。善屬文。長若莘。
次若照。若倫。若憲。若荀。若照尤高。皆性素潔。鄙薰澤
靚粧。不願歸人。欲以學名家。家亦不欲與寒鄉凡裔
為姻對。正元中。昭義節度使季抱真表其才。德宗詔
入禁中試文章。并問經史大義。帝咨美。悉留宮中。帝
能詩。每與侍臣賡和。五人者皆預。又高其風標。不以
妾侍命之。呼學士。自正元七年。秘禁圖籍。詔若莘總

領元和末卒。後穆宗拜若照尚宮嗣其秩。歷穆敬文三朝皆呼先生。若憲文宗時以讒死。倫荀早卒。廷芬男獨愚不可教。為民終身。

女郎張窈窕

寄故人云。澹澹春風花落時。不堪愁望更相思。無金可買長門賦。有恨空吟團扇詩。

女郎劉媛

學畫蛾眉獨出群。當時人道便承恩。經年不見君王

面。花落黃昏空掩門。

鶯鶯

鶯鶯姓崔氏。有張生者。託其婢紅娘以春詞二篇誘之。崔答曰。待月西廂下。迎風戶半開。拂牆花影動。疑是故人來。張喜其意。既遇而別。崔命琴鼓霓裳羽衣之曲。張文戰不利。崔貽書以廣其意。又有竹茶碾亂絲之贈曰。淚痕在竹。愁緒縈絲。因物達情。永以為好。揚巨源元稹善張生。見其意歎賞之。巨源賦崔娘一

篇云。清潤潘郎玉不如。中庭蕙草雪銷初。風流才子
多春思。腸斷蕭娘一紙書。元稹亦續生會真詩三十
韻。張後以為妖於身也。絕之。既而崔託其所親潛寄
一詩云。自從消瘦減容光。萬轉千回嬾下牀。不為傍
人羞不起。因郎憔悴却羞郎。張將行。賦一章以絕之
云。棄置今何道。當時且自親。還將舊來意。憐取眼前
人。自是遂絕。

不知名

江陵有士子。遊交廣五年未還。愛姬為太守所取。納
於高麗坊邸。及歸寄詩曰。陰雲幕幕下陽臺。惹着襄
王更不回。五度看花空有淚。一心如結不曾開。纖蘿
自合依芳樹。覆水寧思返舊杯。惆悵高麗坊邸宅。春
光無復下山來。守遂遣還。有為御史分務洛京者。其
愛姬為李逢吉一閱。遂不復出。明日以詩投之云。三
山不見海沉沉。豈有仙蹤尚可尋。青鳥去時雲路斷。
嫦娥歸處月宮深。紗窓暗想春相憶。書幌誰憐夜獨

吟料得此時天上月。只應偏照兩人心。李得詩含笑曰。大好詩。遂絕。

唐人及第後。或遇舊題名處。即加前字。故詩曰。曾題

名處添前字。送出城人乞舊詩。姚合及第後詩云。新銜添一字。舊友讓前

途長安木塔院有進士房魯題名處。有人題詩曰。姚

家新塔是房郎。未解芳顏意欲狂。見說正調穿羽箭。

莫教穿破寺家牆。丹陽焦山瘞鶴銘小碣刻詩云。江

外水不凍。今年寒苦遲。三山在何處。欲到引風歸。後

題云。丹陽掾王瓚作。後復題小石云。縱步不知遠。夕

陽猶未回。好花隨意發。流水逐人來。不知誰為之。忽

聞天子訪沉淪。萬里懷書西入秦。早知不用無媒客。

恨別江南楊柳春。

奇鯤南詔大酋之心膂也。僖宗時來朝。高駢自淮海

飛章曰。蠻酋用事。惟奇鯤等數人。請止而鳩之。帝用

其策。奇鯤有詞藻。途中詩云。風裏浪花吹又白。雨中

峰影洗還青。沙鷗聚處窓前見。林狔啼時枕上聽。出

言
雜調云。勸君莫惜金縷衣。勸君須惜少年時。有花堪折直須折。莫待無花空折枝。

空賜羅衣不賜恩。一薰香後一銷魂。雖然舞袖何曾舞。長對春風裊淚痕。

眼想心思夢裡驚。無人知我此時情。不如池上鴛鴦鳥。雙宿雙飛過一生。

鶯啼露冷酒初醒。窰畫樓西曉角鳴。琴羽帳中人夢

覺。寶釵斜墜枕函聲。

兩心不語暗知情。燈下裁縫月下行。行到堦前知未睡。夜深聞放剪刀聲。

乾符末。有客訪僧。僧却之。題門而去云。龕龍去東海。時日隱西斜。敬文今不在。碎石入流沙。忽一僧曰。大罵我曹。乃合寺苟卒四字。

權龍褒

景龍中。為左武衛將軍。好賦詩而不知聲律。中宗與

學士賦詩。輒自預焉。帝戲呼為權學士。初以親累達貶。洎歸獻詩云。龍褒有何罪。天恩放嶺南。敕知無罪過。追來與將軍。上大笑。嘗吟夏日詩。嚴霜白皓皓。明月赤團團。或曰。豈是夏景。答曰。趣韻而已。通天中。刺滄州。初到。呈同官曰。遙看滄州城。揚柳鬱青青。中央一群漢。聚坐打杯角。諸公謝曰。公有逸才。曰。不敢趣韻而已。常作秋日詠懷詩曰。簷前飛七百。雪白後園僵。飽食房裏側。家糞集野娘。參軍不曉問之。權曰。鷄

子簾前飛直七百。洗衫掛後圍。白如雪。飽食房中側。臥家裏。便轉集得野澤蜚娘。聞者笑之。始賦夏日嚴霜明月之句。乃皇太子宴賦詩。太子援筆譏之。龍褒才子。秦州人氏。明月晝耀。嚴霜夏起。如此詩章。趣韻而已。

龍褒為瀛州刺史。歲暮京中人附書云。改年多感。乃將書呈判司以下云。有司改年為多感元年。一日謂府吏何名私忌。對曰。父母亡日請暇。偶房中靜坐。有

青狗笑入大怒曰。衝破我忌日。更牒改到明日好作忌日。談者笑之。

舊跋

余刻梁記室參軍詩品三卷。上下漢魏六朝無魏昂昂矣。惜有唐諸大家未有能彙而評之者。偶簡遂初主人全唐詩話約三百餘家。雖片羽點斑。于三百年風會不能無憾。然而三變梗槩已具見矣。更選宋人詩話之最者十冊。附存卷末。庶幾替古饜奇之士採而錄焉。或亦秘函之一種。云湖南毛晉識。

全唐詩話卷之六 終

宮和紀元歲次辛酉於條士仲林梓藏于家

享和元年冬十一月

本石町四町目

堀野屋仁兵衛

大傳馬町二町目

大和田安兵衛

江戸書林

日本橋藏屋敷

久田治左衛門

